

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-15975-1/13.  
Zenica, 25.07.2013. godine

**Z A P I S N I K**  
**sa 118. sjednice Vlade Zeničko-dobojskog kantona održane dana 25.07.2013. godine**

Sjednica je održana u sali 109, prvi sprat u zgradi Kantona, dana 25.07.2013. godine u trajanju od 10<sup>00</sup> do 11<sup>50</sup> satii.

Sjednicom je predsjedavao Premijer Zeničko-dobojskog kantona.

Sjednici su prisustvovali članovi Vlade:

1. Romana Brkić, ministrica Ministarstva za pravosuđe i upravu,
2. Rifat Delić, ministar Ministarstva unutrašnjih poslova,
3. Ivica Ćurić, ministar Ministarstva za rad, socijalnu politiku i izbjeglice,
4. Senka Balorda, ministrica Ministarstva zdravstva,
5. Edin Terzić, ministar Ministarstva za prostorno uređenje, promet i komunikacije i zaštitu okoline,
6. Amir Abazović, pomoćnik ministra u Ministarstvu za privredu,
7. Nada Delibašić, pomoćnik ministra u Ministarstvu finansija, kao i

1. Haris Hrgić, pomoćnik sekretara Vlade,
2. Dženan Begović, šef Ureda,
3. Ivica Mandura, savjetnik Premijera,
4. Alma Hrnjić, zapisničar.

Opravdano odsutni:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Mirko Trifunović, ministar Ministarstva za obrazovanje, nauku, kulturu i sport,

U svojstvu izvjestioca sjednici je prisustvovao, Esad Delibašić, pomoćnik ministra Ministarstva za obrazovanje, nauku, kulturu i sport.

Premijer je stavio na diskusiju predloženi

## **DNEVNI RED :**

1. Verifikacija Zapisnika sa 117. sjednice Vlade Zeničko-dobojskog kantona održana dana 18.07.2013. godine;
2. Prijedlog Smjernica ekonomske i fiskalne politike Zeničko-dobojskog kantona za 2014. godinu, sa Prijedlogom Zaključka o usvajanju;
3. Izvještaj o realizaciji Programa utroška sredstava pod nazivom „Program kapitalnih ulaganja Ministarstva unutrašnjih poslova za 2013. godinu“ za period I-VI 2013. godine;
4. Pravilnik o izmjenama i dopunama Pravilnika o radu Javne ustanove Kantonalna bolnica Zenica, sa Prijedlogom Zaključka o davanju saglasnosti;
5. Prijedlog Zaključka o davanju saglasnosti na povećanje broja studenata za upis u prvu godinu prvog ciklusa na Univerzitetu u Zenici u akademskoj 2013/2014. godini;
6. Prijedlog Zaključka o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec juli 2013. godine;
7. Mišljenje o izabranom kandidatu za direktora JU OŠ „Mula Mustafa Bašeskija“ Donje Moštre, Visoko, sa Prijedlogom Zaključka;
8. Mišljenje o izabranom kandidatu za direktora JU OŠ „Arnauti“ Arnauti, Zenica, sa Prijedlogom Zaključka;
9. Prijedlog Rješenja o konačnom imenovanju predsjednika i člana Školskog odbora iz reda lokalne zajednice Druge gimnazije u Zenici;
10. Prijedlog Rješenja o konačnom imenovanju predsjednika i člana Školskog odbora iz reda lokalne zajednice Osnovne muzičke škole, Zenica;
11. Prijedlog Rješenja o konačnom imenovanju predsjednika Školskog odbora Srednje škole za stručno obrazovanje i radno osposobljavanje, Zenica;
12. Prijedlog Zaključka o prihvatanju mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Vareš za izmjenu Prostornog plana Zeničko-dobojskog kantona (2009.-2029.).

Predložene su dopune dnevnog reda tačkama:

1. Prijedlog Odluke o privremenom raspolaganju sredstvima posebnog ESCROW računa;
2. Prijedlog Zaključka o pokretanju Inicijative za kratkoročno kreditno zaduženje Zeničko-dobojskog kantona;
3. Prijedlog Zaključka o utvrđivanju upražnjene pozicije člana Nadzornog odbora u privrednom društvu „rmk promet“ d.d. Zenica;
4. Prijedlog Odluke o preraspodjeli sredstava u Budžetu Zeničko-dobojskog kantona za 2013. godinu između Ureda Premijera i Ministarstva za rad, socijalnu politiku i izbjeglice;
5. Upoznavanje članova Vlade sa aktom:
  - Poziv za dostavljanje aplikacija za investicijski okvir Zapadni Balkan (WBIF)-10 runda

Članovi Vlade su se saglasili sa predloženim dopunama dnevnog reda tako da je za sjednicu jednoglasno usvojen sljedeći:

## **DNEVNI RED :**

1. Verifikacija Zapisnika sa 117. sjednice Vlade Zeničko-dobojskog kantona održana dana 18.07.2013. godine;
2. Prijedlog Smjernica ekonomske i fiskalne politike Zeničko-dobojskog kantona za 2014. godinu, sa Prijedlogom Zaključka o usvajanju;
3. Izvještaj o realizaciji Programa utroška sredstava pod nazivom „Program kapitalnih ulaganja Ministarstva unutrašnjih poslova za 2013. godinu“ za period I-VI 2013. godine;

4. Pravilnik o izmjenama i dopunama Pravilnika o radu Javne ustanove Kantonalna bolnica Zenica, sa Prijedlogom Zaključka o davanju saglasnosti;
5. Prijedlog Zaključka o davanju saglasnosti na povećanje broja studenata za upis u prvu godinu prvog ciklusa na Univerzitetu u Zenici u akademskoj 2013/2014. godini;
6. Prijedlog Zaključka o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec juli 2013. godine;
7. Mišljenje o izabranom kandidatu za direktora JU OŠ „Mula Mustafa Bašeskija“ Donje Moštre, Visoko, sa Prijedlogom Zaključka;
8. Mišljenje o izabranom kandidatu za direktora JU OŠ „Arnauti“ Arnauti, Zenica, sa Prijedlogom Zaključka;
9. Prijedlog Rješenja o konačnom imenovanju predsjednika i člana Školskog odbora iz reda lokalne zajednice Druge gimnazije u Zenici;
10. Prijedlog Rješenja o konačnom imenovanju predsjednika i člana Školskog odbora iz reda lokalne zajednice Osnovne muzičke škole, Zenica;
11. Prijedlog Rješenja o konačnom imenovanju predsjednika Školskog odbora Srednje škole za stručno obrazovanje i radno osposobljavanje, Zenica;
12. Prijedlog Zaključka o prihvatanju mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Vareš za izmjenu Prostornog plana Zeničko-dobojskog kantona (2009.-2029.).
13. Prijedlog Odluke o privremenom raspolaganju sredstvima posebnog ESCROW računa;
14. Prijedlog Zaključka o pokretanju Inicijative za kratkoročno kreditno zaduženje Zeničko-dobojskog kantona;
15. Prijedlog Zaključka o utvrđivanju upražnjene pozicije člana Nadzornog odbora u privrednom društvu „rmk promet“ d.d. Zenica;
16. Prijedlog Odluke o preraspodjeli sredstava u Budžetu Zeničko-dobojskog kantona za 2013. godinu između Ureda Premijera i Ministarstva za rad, socijalnu politiku i izbjeglice;
17. Upoznavanje članova Vlade sa aktom:
  - Poziv za dostavljanje aplikacija za investicijski okvir Zapadni Balkan (WBIF)-10 runda

### **Prva tačka dnevnog reda**

Vlada je jednoglasno verificirala sa 117. sjednice Vlade Zeničko-dobojskog kantona održana dana 18.07.2013. godine;

### **Druga tačka dnevnog reda**

Obrazloženje za ovu tačku dnevnog rada dala je pomoćnica ministra u Ministarstvu finansija.

U diskusiji su učestvovali: ministar Ministarstva unutrašnjih poslova i ministrica Ministarstva zdravstva.

Vlada je jednoglasno donijela Zaključak kojim se donose Smjernice ekonomske i fiskalne politike Zeničko-dobojskog kantona za 2014. godinu i čine sastavni dio ovog zaključka. Zaključak stupa na snagu danom donošenja.

### **Treća tačka dnevnog reda**

Obrazloženje za ovu tačku dnevnog rada dao je ministar Ministarstva unutrašnjih poslova.

U diskusiji je učestvovala: ministrica Ministarstva zdravstva.

Vlada je jednoglasno donijela Zaključak kojim se usvaja Izvještaj o realizaciji Programa utroška sredstava pod nazivom „Program kapitalnih ulaganja Ministarstva unutrašnjih poslova Zeničko-dobojskog kantona za 2013. godinu“, za period I-VI 2013. godine, koji čini sastavni dio ovog zaključka. Zaključak stupa na snagu danom donošenja.

### **Četvrta tačka dnevnog reda**

Obrazloženje za ovu tačku dnevnog rada dala je ministrica Ministarstva zdravstva.

Vlada je jednoglasno donijela Zaključak kojim se daje saglasnost na izmjene i dopune Pravilnika o radu Javne ustanove Kantonalna bolnica Zenica-Prečišćen tekst (broj: 20/1-2997 od 10.05.2013. godine)

Daje se saglasnost na izmjene i dopune Pravilnika o radu Javne ustanove Kantonalna bolnica Zenica-Prečišćeni tekst (broj: 20/1-2997 od 10.05.2013. godine) u skladu sa:

- Odlukom o izmjenama i dopunama Pravilnika o radu Javne ustanove Kantonalna bolnica Zenica broj: 20/1-1-3206 od 14.05.2013. godine, Upravnog odbora Javne ustanove Kantonalna bolnica Zenica i

- Odlukom o izmjenama i dopunama Pravilnika o radu Javne ustanove Kantonalna bolnica Zenica broj: 20/1-1-3704 od 28.05.2013. godine, Upravnog odbora Javne ustanove Kantonalna bolnica Zenica.

Odluke iz tačke I. ovog zaključka čine sastavni dio ovog zaključka.

Zadužuje se Javna ustanova Kantonalna bolnica Zenica da u skladu sa zakonom i podzakonskim aktima realizuje ovaj zaključak i da potpisan i ovjeren primjerak Pravilnika dostavi Ministarstvu zdravstva i Stručnoj službi Vlade. Zaključak stupa na snagu danom donošenja.

### **Peta tačka dnevnog reda**

Obrazloženje za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

Vlada je jednoglasno donijela Zaključak kojim se daje saglasnost na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2013/2014. godini

U skladu s tačkom II. Zaključka Vlade Zeničko-dobojskog kantona, broj: 02-38-13017/13. od 10.06.2013. godine, daje se saglasnost na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2013/2014. godini:

RB	Fakultet	Studijski odsjek	Redovni studenti-finansira Osnivač
1.	Filozofski fakultet	Razredna nastava	3
		Turski jezik i književnost	2
2.	Fakultet za metalurgiju i materijale	Metalurgija	4
		Materijali	4
		Hemijsko inženjerstvo	1
3.	Ekonomski fakultet	Računovodstveni i revizijski menadžment	2
		Menadžment preduzećima	4
4.	Islamski pedagoški fakultet	Predškolski odgoj i obrazovanje	4
		Socijalna pedagogija	4
5.	Pravni fakultet		4
6.	Zdravstveni fakultet		2
UKUPNO:			34

Povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2013/2014. godini odnosi se na kategorije djece šehida, poginulih branilaca, umrlih ratnih vojnih invalida i umrlih demobilisanih branilaca, koja su položila prijemni ispit, a zbog nedovoljnog broja bodova nisu ostvarila pravo na prijem (Filozofski fakultet i Zdravstveni fakultet). Pored toga, omogućava se upis do četiri studenta po studijskom odsjeku koji nisu ostvarili potreban broj bodova po općem i posebnom kriteriju na fakultetima na kojima nije bilo prijemnog

ispita (Fakultet za metalurgiju i materijale, Pravni fakultet, Ekonomski fakultet i Islamski pedagoški fakultet), a prema broju ostvarenih bodova.

Zadužuju se Ministarstvo za obrazovanje, nauku, kulturu i sport i Univerzitet u Zenici da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

### **Šesta tačka dnevnog reda**

Objasnilo za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

U diskusiji je učestvovala pomoćnica ministra u Ministarstvu finansija.

Vlada je jednoglasno donijela Zaključak o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec juli 2013. godine.

Dozvoljava se stvaranje obaveza Ministarstvu za obrazovanje, nauku, kulturu i sport na poziciji Budžeta – Zeničko-dobojskog kantona za 2013. godinu, razdjel 22, budžetska organizacija 01, potrošačka jedinica 0001, ekonomski kod 614300, subanalitika MAX 004, pozicija – “Transfer za zaštitu kulturno-historijskih spomenika“, po osnovu “Projekta sanacije bedema i male kule tvrđave Vranduk“ Muzeja grada Zenice, u iznosu od 7.000,00 KM.

Navedeni iznos iz tačke I. sadržan je u Programu utroška sredstava sa pozicije „Transfer za zaštitu kulturno-historijskih spomenika“, broj: 02-14-4191/13 od 14.02.2013. godine.

Zadužuju se Ministarstvo za obrazovanje, nauku, kulturu i sport i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

### **Sedma tačka dnevnog reda**

Objasnilo za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

Vlada je jednoglasno donijela Zaključak o ne davanju saglasnosti za imenovanje direktora OŠ “Mula Mustafa Bašeskija” Donje Moštre, općina Visoko

Ne daje se saglasnost da se Fuad Lepić, nastavnik fizičkog odgoja, imenuje na dužnost direktora OŠ “ Mula Mustafa Bašeskija” Donje Moštre. Zaključak stupa na snagu danom donošenja

### **Osma tačka dnevnog reda**

Objasnilo za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

Vlada je jednoglasno donijela Zaključak o ne davanju saglasnosti za imenovanje direktora OŠ “Arnauti” Arnauti, općina Zenica

Ne daje se saglasnost da se Mahir Arnaut, nastavnik islamske vjeronauke, imenuje na dužnost direktora OŠ “Arnauti” Arnauti. Zaključak stupa na snagu danom donošenja.

### **Deveta tačka dnevnog reda**

Objasnilo za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

Vlada je jednoglasno donijela Rješenje o konačnom imenovanju predsjednika i člana Školskog odbora iz reda lokalne zajednice Druge gimnazije u Zenici.

Imenuju se predsjednik i član Školskog odbora Druge gimnazije u Zenici do isteka mandata:

1. Ormanović Šemso – predsjednik, iz reda Osnivača,
2. Beganović Besim – član, iz reda lokalne zajednice.

Predsjednik i član Školskog odbora iz tačke I ovog rješenja imenuju se do isteka mandata Školskog odbora Druge gimnazije u Zenici.

Rješenje stupa na snagu narednog dana od dana objavljivanja u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

### **10. tačka dnevnog reda**

Obrazloženje za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

Vlada je jednoglasno donijela Rješenje o konačnom imenovanju predsjednika i člana Školskog odbora iz reda lokalne zajednice Osnovne muzičke škole, Zenica

Imenuju se članovi Školskog odbora Osnovne muzičke škole do isteka mandata:

1. Zahirović Enes-predsjednik, iz reda Osnivača,
2. Porča Sanela-član, iz reda lokalne zajednice.

Predsjednik i član Školskog odbora iz tačke I ovog rješenja imenuju se do isteka mandata Školskog odbora Osnovne muzičke škole, Zenica.

Rješenje stupa na snagu narednog dana od dana objavljivanja u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

### **11. tačka dnevnog reda**

Obrazloženje za ovu tačku dnevnog rada dao je pomoćnik ministra u Ministarstvu za obrazovanje, nauku, kulturu i sport.

Vlada je jednoglasno donijela Rješenje o konačnom imenovanju predsjednika Školskog odbora Srednje škole za stručno obrazovanje i radno osposobljavanje, Zenica

Imenuje se predsjednik Školskog odbora Srednje škole za stručno obrazovanje i radno osposobljavanje, Zenica do isteka mandata:

1. Bešlagić Ljiljana-predsjednik, iz reda Osnivača.

Predsjednik Školskog odbora iz tačke I ovog rješenja imenuje se do isteka mandata Školskog odbora Srednje škole za stručno obrazovanje i radno osposobljavanje, Zenica.

Rješenje stupa na snagu narednog dana od dana objavljivanja u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

### **12. tačka dnevnog reda**

Obrazloženje za ovu tačku dnevnog reda dao je ministar Ministarstva za prostorno uređenje, promet i komunikacije i zaštitu okoline.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se prihvata Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Vareš za izmjenu Prostornog plana Zeničko-dobojskog kantona (2009.-2029.).

Stav Vlade o Inicijativi iz tačke I ovog zaključka upućuje se Skupštini Zeničko-dobojskog kantona. Zaključak stupa na snagu danom donošenja.

### **13. tačka dnevnog reda**

Obrazloženje za ovu tačku dnevnog reda dala je pomoćnica ministra u Ministarstvu finansija.

U diskusiji je učestvovao Premijer Zeničko-dobojskog kantona

Vlada je uz predloženu izmjenu jednoglasno donijela Odluku o privremenom raspolaganju sredstvima sa posebnog ESCROW računa.

Odobrava se privremeno raspolaganje sredstvima sa posebnog ESCROW računa u iznosu do 1.500.000,00 KM (slovima: jedanmilijonpetstotinhiljada konvertibilnih maraka) za potrebe osiguranja sredstava za isplatu plaća i naknada za mjesec juni 2013. godine zaposlenicima budžetskih korisnika Zeničko-dobojskog kantona.

Povrat sredstva iz člana 1. ove Odluke na poseban ESCROW račun izvršit će se u roku do 90 dana od dana prijena sredstava.

Za realizaciju ove odluke zadužuje se Ministarstvo finansija Zeničko dobojskog kantona.

Odluka se dostavlja Skupštini Kantona radi upoznavanja.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

#### **14. tačka dnevnog reda**

Obrazloženje za ovu tačku dnevnog reda dali su savjetnik Premijera Zeničko-dobojskog kantona i Premijer Zeničko-dobojskog kantona.

Vlada je jednoglasno donijela Zaključak kojim se pokreće Inicijativa za kratkoročno kreditno zaduženje Zeničko-dobojskog kantona u svrhu privremenog finansiranja deficita nastalog iz gotovinskog toka u iznosu do 10.000.000,00 KM. Zaključak stupa na snagu danom donošenja.

#### **15. tačka dnevnog reda**

Obrazloženje za ovu tačku dnevnog reda dao je pomoćnik ministra Ministarstva za privredu.

Vlada je jednoglasno donijela Zaključak kojim Vlada Zeničko-dobojskog kantona utvrđuje upražnjenu poziciju jednog člana Nadzornog odbora u “rmk promet” d.d. Zenica, reguliranom tijelu koje je u nadležnosti Vlade Zeničko-dobojskog kantona, odnosno Ministarstva za privredu Zeničko-dobojskog kantona, kao “odgovornog javnog službenika”.

Utvrdjuje se potreba raspisivanja Oglasa za upražnjenu poziciju, navedenu u tački I ovog zaključka.

Oglas iz tačke I ovog zaključka bit će objavljen u “Službenim novinama Federacije Bosne i Hercegovine” i dnevnim novinama. Za raspisivanje i objavljivanje Oglasa zadužuje se Ministarstvo za privredu i Služba za zajedničke poslove, svako u okviru svoje nadležnosti.

Zadužuje se Komisija za izbore, imenovana Rješenjem ministra Ministarstva za privredu Zeničko-dobojskog kantona da u skladu sa zakonom i podzakonskim aktima realizuje ovaj zaključak. Zaključak stupa na snagu danom donošenja.

#### **16. tačka dnevnog reda**

Obrazloženje za ovu tačku dnevnog reda dao je ministar Ministarstva za rad, socijalnu politiku i izbjeglice.

Vlada je jednoglasno donijela Odluku o preraspodjeli sredstava u Budžetu Zeničko-dobojskog kantona za 2013. godinu.

Odobrava se preraspodjela sredstava planiranih u Budžetu Zeničko-dobojskog kantona za 2013. godinu za budžetske korisnike: Ured Premijera i Ministarstva za rad, socijalnu politiku i izbjeglice.

Preraspodjela sredstava vršit će se na sljedeći način:

- na razdjelu 11, budžetska organizacija 01, potrošačka jedinica 0001-Ured Premijera, sredstva planirana na poziciji 614300-Tekući transferi neprofitnim organizacijama umanjuju se za 50.000,00 KM;
- na razdjelu 20, budžetska organizacija 01, potrošačka jedinica 0001-Ministarstvo za rad, socijalnu politiku i izbjeglice sredstva planirana na poziciji 821500-Ostala osnivačka ulaganja uvećavaju se za 50.000,00 KM;

Navedena sredstva će se koristiti za uplatu osnivačkog kapitala za Javnu ustanovu „Penzionerski dom sa stacionarom“ Zeničko-dobojskog kantona, a biće sastavni dio Izmjena i dopuna Budžeta Zeničko-dobojskog kantona za 2013. godinu.

Zadužuju se Ministarstvo finansija-Odsjek za planiranje i izvršenje budžeta, Ured Premijera i Ministarstvo za rad, socijalnu politiku i izbjeglice, da u skladu sa zakonom i podzakonskim aktima realizuju ovu odluku, svako u okviru svojih nadležnosti. Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

### **17. tačka dnevnog reda**

Objasnjeno za ovu tačku dnevnog reda dao je Premijer Zeničko-dobojskog kantona.

Premijer Zeničko-dobojskog kantona je također pod ovom tačkom dnevnog reda upoznao članove Vlade sa materijalom Službe za zajedničke poslove Zeničko-dobojskog kantona, vezan za nabavku opreme za ministarstva i druga tijela kantonalne uprave i stavom vezanim za naknade za rad u svim Komisijama.

U diskusiji su učestvovali: ministrica Ministarstva za pravosuđe i upravu, ministar Ministarstva za prostorno uređenje, promet i komunikacije i zaštitu okoline, pomoćnica ministra u Ministarstvu finansija, ministrica Ministarstva zdravstva, ministar Ministarstva za rad, socijalnu politiku i izbjeglice, ministar Ministarstva unutrašnjih poslova, sekretar Sekretarijata za zakonodavstvo i pomoćnik sekretara Vlade.

Premijer je zaključio sjednicu u 11<sup>50</sup> sati.

**POMOĆNIK SEKRETARA  
VLADE**

*Haris Hrgić*

**ZAPISNIČAR**

*Alma Hrnjić*

**PREMIJER**

*Munib Husejnagić, dipl.ing.maš.*